

Choctaw nation. Laws, statistics, etc.

CHAHTA OKLA

I NANALHPISA,

NANAPESA

AFFAMMI 1882 CHIIYA KA.

AHLOPULLI TOK.

CHAHTA ANOMPA ATCSHOA.

TANISIN. TEKSIS:
MURRAY & DEARING, HOLISSO AI IKRE.
1882.

CHAHTA OKLA I NANALHPISA.

BILL NO. 1.

Nan vhtoka itokoa Kaniohni ka Nau apisa ittanah Cheto Aboha toklo kat Atokola chi ka yakohmashike. Achj at imapisa.

SEK. 1. Chalta okla i nan apesa ittanaha Cheto ittafamat Chjiya ka yvkoymashke. Aboha toklo kat aboha Naklish imaboha ya Aktoba Nitak, 14, 1882. Nitak hollo nakfish tabokoli ikono hashi kanalli 10 ka aiettafama cha, okla moma i holisso apisa i Supaintentint micha Uhlth Cholastis tochina ka atokolashike. Mikma anompa yakohmashki ache, ilappat hlopulli ka aiahlit mahaya kat aiahlit holittopashke.

S. W. GARVIN, Anompa bohle.

Ajokpachi Aktoba 11, 1882.

JAMES THOMPSON, Senit i Miko.

Miko Cheto ahltobat asha.

BILL NO. 2.

CHAHTA TAMAHA, Aktoba 13, 1882.

Nan apisa ittanaha cheto hash c' jiya ma:

Himak afammi olbal holisso pisa isht aiasha tok ant iya tok afammi, nan isht annoa ya. Pushmataha Uhlth, ha Uhlth i Chlastis Isaac McClure yat nan isht annoa bohli tok q ha chi kamitte pia ha pibbak foka tok q ya nmak Atuka afanalichit ipihesaq ka, aiahlpisa bano tok a ilakostinin chishke, yohmic hosh yakohmash ki achi itiyakaya ilappakq ahlopulli chik bano ahnishki,

SEK. 1. Chahta okla i nan apisa ittanaha chito ittafamat (hiya ka yakohmashke, Isaac McClure, Pushmataha Uhltih, I Cholastis at afammi olbal ant iya tok holisso pesa aiimma nan isht annoa bohle tok a yammak atok at aight, micha aiahlpisa bano tok a imayok pachishke.

ALFRED WRIGHT.

Holisso apisa i Kamitti Pihlich.

Aiokpachi, Aktoba 18, 1882.

J. F. McCURTAIN, Chahta Okla i Miko Cheto.

BILL NO. 3.

CHAHTA TAMAHA, C. N., Aktoba 11, 1882.

Nan apisa ittanaha Chito Okla ma.

Holisso apisa i Kamitte ha chi huii tok makə Apakshanabi Uhltih ha Im Uhltih Cholastis, E. W. Tims, at nan annoa bohle tok o, yammak atok at pibbak foka tok at, yammak atokma afanalichit ipihisa mat aiahlpisa bano toka ila kostinin chishki; mikmat ont akochat ibbak foka kat \$558 36 hosh ibbak fokashke. Johnie hosh anompa it iyakaya ilappa hlopullik bano ahnishki.

SEK. 1. Chahto okla i nan apisa ittancha chito ittafa mat chiya ka yakohmosha, E. W. Tims, Apakshanabi Uhltih ha im ai Uhltih i Cholastis at nan annoa bohli tok a yammak atukmat, aighli, micha aiahlpisa, brno ahnit imayok pachit ishishki. Mikma yakohmashki a chi ilap pat hlopulli ka aiahlit ia kat aighlit hohit-pashke.

ALFRED WRIGHT.

Holisso apisa i Kamitti Pihlich.

Aiokpachi, Aktoba, 18, 1882.

J. F. McCURTAIN, Chahta Okla, I Miko Chito.

BILL NO. 4.

Hach i kamitti hijli ho Miko im anumpa yat ibbak fohoka tok a anompa itiyakaya yakohmi ho chim ottanichi cha, ahlopulli hok-bano ahnit asih hashke

Yvmohmishke, Nan apisa ittanaha Cheto ishtaiopi chi ya kash, Chahta Okla hat nana waya i hlakoffi tok pulla makə nana palammi chinto kat imitti tak la ya takkala chi pulla ka Miko at tik hanli

anompa takalihinchi tok, yohmi hosh Chabata okla ilbasha yamma cholmi ka isht apila cha chi ka tali holisso yat nan isht ahlpisat ittola hok bano ahui tok. Yohmi kia nana hosh akainohmi chiyai ho Nana kat yakohimk bano ahni tok a nana isht ikalmo ketok.

Mihma yakohmishke Nana apa iksho ilappa pulla kako, palammij chinto kat okla lawa ka onottoyola tok, yohmi ma Kanimma yo nana ai isht ilapila che at aminta he at iksho tok. Mihma yakoh m shki. Kanstutushon, Atikel ammona sikshan 15 ka okla hat giiyakaya hosh Noktaiyalat ittafamat chinqa Mahli cha, Nan isht impalammi atampat aiasha ka nana kia ikpim ahno ka hinla cho? ahnit okla tallaya nan isht imghahli ya ilai ushe Miko hekeya ka Nana asihha anompa ha okla i bohohli tok i yohmie ho, yammako autti bai a chaffat kana hosh impalagmi ahliha ilappako \$6,000 kat auttilaint ittakash koa chi ka ahnit okla ittibaichaffa tok, Atoko kaunti ilaiyokali hatokma hohltina yammak atukmat auttilauit ittakashkoa tok at aighlishke, yohmie ho hapi Miko, imokla tallaya i hollo yat tikbanli nana ai isht ahanta tok mako impalammi lawa micha ilbasha aina kat lawa hetok a hlakaffichi tok oke.

Yamohmi hoka, Chahta o-la i Nan apisa ittana ha chito ittafamat chuya ka yakohmashke. Himak afammi aictintaivakla Chahta okla ilbasha yo isht apela e it ina table tok o Chahta Nishan at ahika onottoyula hokma ahika yanma moma kat isht ahltoha chi mako, Taliholisso nana hosh, nan isht ikahlpeso kisha yat, 'ah hollisso aittola ya sttonla hakmat (\$6,000) Tali holisso tahlipa Sepokin hannali kat ilappok atu ma nan isht ahlpisat ittolashe. Yo mie hatuko ahika at aiahli ahtokoa ho Kana poyutta hosh aheka yamma choyohmie ho is i hokma, Atita yatukmat Tali holisso ishit hoyo ya imi hik ba he at ilappok atokma im ai ahlpisashke. Mi-ma Taliholisso sholi at, mih makatukma atobbashke. Mikma yakohmashki achi ilappak atukmat ahlpesat ilopulle ka aighlit ia kat ayahlet ittoyolashke.

McKEE KING,

Miko im ammpa i Kamitte Piblichii.

Aktoba 19, 1882.

J. F. McCURTAIN, Chahta Okla i Miko Cheto.

BILL NO. 5.

Nan aiapesa ya kanalicha chi kat Kanstitushan at ahlkata chi ho yakohmashke, achi, at okla itikba j bohle.

SEK. 1. Chahta okla j nan apisa ittanaha chito ittafamat chiiya ka yakohmashke. Nan atokoli Akas, 1883, ashakmat, aiokpachik ma, ikayokpachok ma, Nana chi ho okla hatok ma j bohlisiki. Yohmi kat anompa noshkobo ahlpoksia tok. Sekshan 2, kat ahlkata cha ittem anumpoli ka yakohmi hashke. Nanih Waiya Sipokni ya j bashi akochaka imma kowitoklo cha iklanna aina fokka kago okla j. Nan aiapisa yatukmat aiahla hat ahikkia billiashke, yohmi cha Tashka humma achi bohchifo ha isht ai ithai yanashke. Yohmikma nan apisa ittanaha Chito yat Aktoba manti ammona 1884, ma ammona ka aiittafama tok mat himak pila mahaya ka, afammi aiyyukalik ma, tikba ka Tushka homma ahanchi kasho aiitta famamaslike.

SEK. 2. Himakma Yakohmashke, Anomfra Noshkobo ahlkata he almi paknaka takkali kash nan atokoli asha chi ka hashi ushtat takali moma na, Nishan ilappa fot j kania he aiahl piisa aiasha tok a okla poyutta nan isht imannouchi ikbit, Nishan ilappa moyoma ka, Okla j holisso chi Cheto, yat imannoa cha he ak osh im aiahl piisa hoke.

SEK. 3. Himakma yakohmashka, Nan atskoli a shak ma, Kana hosh anumpa Noshkobo ahlkata ya aiokpachi hokmat, "Anompia noshkobo ahl Kata," achi hosh j "Tiket" a takali chashke. Mikma ikayokpacho yato," anumpa noshkobo ahlkata j Sanati achi hashke. Mikma anompa Noshkobo ahlkata ahanchi kash fot onohon che, Mica okla moma j nan vhltoke ahliha fot aiima aina kat, fot aikania holisso yammak inli ho aiibafokashke, Micha anompa noshkobo yat amiha kago cakayat pit a, bohlashke.

SEK. 4. Mikma yakohmashke, ache ilappat hlopulli ka aiahlit ia kat aiahlit holittopashki.

McKEE KING, Anompa bohle.

Aiokpachi, Aktoba 20, 1882.

J. F. McCURTAIN, P. C. C. N.

BILL NO. 6.

Nan apesa ittanaha Chito okla hañ'chiiya ma:

Tali holisso ai imma i Kamitti ha chi bitli tokmat Okla i Holisso chi Cheto yat nan ahl pesa Kanchi hosh tali holisso \$23.56 aina hq bohliit nan annoa ikbi tok a afanali chit ipisa hosh yakohmashke, achi, it iyakaya ilappak o hlopulli, hokbano ahnishi.

Chahta Okla i nan apesa ittanaha chito ittafamat Chiiya ka yakohniashki, Himak afammi ant iya ilappa Holissoche cheto, Thompson McKimney, yat Nan vhlpesa holisso Kanchi tok osh, nan annoa bohle tok a, aighli mieha aiahlpisa bano tok ahnit imat yok pachishki, Mikma yakohmashki achi ilappat hlopulli ka aiahli-ia kat aighliit holittapashki.

SAMPSON HOLSTON,

Tali holisso aiimma i Kamittu Piblichii.

Aiokpachi, Aktoba 20, 1882.

J. F. McCURTAIN, Chahta Okla i Miko Cheto.

BIL NO. 7.

Townson Kaunti anukaka Lexington nan aiatokoli ya akshochi nan vhlpisa.

SEK. 1. Chahta okla i nan apisa ittanaha chito itta famat chiiya ka yakomit vhlpisashki Townson Kaunti anukaka Lexington nan aiatokoli ahnit ithaiana hq hikia chatok at yammak atokmat ilappa aiak shoshke. Mikma nan vhlpesa ilappat hlopulli ka aiahliit ia kat aighliit holittapat ittoyulashki.

SIMPSON GARVIN, Anompa bohle.

Aiokpachi, Aktoba 20, 1882.

JAMES THOMPSON, Senit i Miko, Miko vhltohat asha.

BILL NO. 8.

Miko im anumpa akashampa, Unaitit Stits okla ilai ittahalaya imma isht anompa yat ha chi Kamitti pia ha pibbak foka tok at itiyakaya ilap paku chim attanichi cha holetopa hokbano ahnishi.

Yvenohmishke, Man ittimapesa anompa, 1855, Atikil 7, takkali ka ilapo i nan vhlpesa ikbit abashwa he, mieha ilap i yakni yhlpesa anukaka follota aiy ukali ka ilap haknip, mieha imilayak poyotta ka Chahta okla hat, naua imaihnoh kat ikema yokpoloko ka he at

nana isht ikimok tapo ka he attok. Chahta okla hat nan vhlpisa i toyola hatok okat, Kana hosh Chahta iba hohltina bannat anumpa kahpoli poyutta ka, aii haponak lot nana imanukfilla he at im aiahlpisa apissali, micha nan isht aighli ya iishi aina ka Chahta Kafinmint a, ilap i nan vhlpesa ikbit ahashwa kat ikimataklamo ka he attuk a imissa he oka aiahlpisashke.

Micha yakohmishki Chahta okla ha iba hohltina key uahliha hat, Chahta ai achaffa ilapisat Chahta okla i nan ahlpesa ho aityakayat im ai aghli banna tok kia ikimai aghlokmat, afammi olbalaka mihinti Kash Chahta okla ha nana imaiokpani chi chinto tok. Nan anoli ya choupa hosh, micha Chahta okla hat ilapo nana ahalaya tok at Chahta i Kafinmint ato aialtobat akochat aiapih poachi kia hekia kat ilksho ho, Kamishana itikba fot Smith a ohona na billia tok, Chahta aiachaffa tobat maya ilappat Chahta okla nan isht imachukma he atok a atok lammichi kak bano keyu, Amba 1885, Atikil 7. Choleti pakua takkali anghowa tok ash Kobaffiapissali hoke. Micha yakohmishki, Chahta iba hohltina bannat anumpa bohli aiasha mat, anumpa kahpoli ya itti sha sholiche, micha inuk killi achit aiasha tok putta kat ont yokopa chi ka, Chahta iba hohltina ban nat anumpa bohli tok kia ikimai aghlok ma, mina nana kat aii aiahlpisa yimmi tok ash ikema yokpacho ka ho nan isht anuk haklo hok mat, Yunaitit Stits i Nahollo Miko, itikba yako anumpa bohli atuk at, atukla na out aili hak la chi ka ahnit itti baiachaffashke. Yammak okano yohmi hak inli kia, nana aii haponuklo, yamma ehohmi isht asha chi poyutta hokma, yakni Kanimma micha nitak nano ho isht aiasha chi putta ka Nah ollo Miko, (U. S. Indian Agent) yat Miko cheto ya im annoachi hokmak ashke. Yohmi hok mano, Chahta okla ha laya Kanimma kat aialtobat i hikiya hashki, yohmi mat na hollo Miko at nana ho apisa hokma Chahta okla hekat yammako aima tiya chi kat ittibaiachoff ashke. Micha yakohmishki, Chahta i yakin anukaka ya himak a Chahta iba hohltina keyu yat lawa hosh, Chahta ai achaffa ya chikosik ma ont ilatokolichit imahltaha chi ka ilahobbi hosh, afammi hosh afammik ma ilappa aiasha tok at aiashashke. Atoko Miko Chito yat hattak hob chifo yamma chomi ka im atahli hokma, Kanihmi kak osh Chahta aiachaffa ya hinla ka imahoba tok okmat nitak a che kose mak inli ho ilatokolichit imahltaha chi kat ishit wakaya chi ka imahua chi kat U. S. Na hollo Miko atokmat aighli fihnat ilappa aii aihlpesashke. Atoko yammak ash okla ikayokpacho. Kiyokmat

nana isht ikahno hokma nanak ma Chahta i yakni ya akocha wihl-ashki. Yamohmi hoka

SEK. 1. Chahta okla i Non apesa ittana' a chito itafamat Chiya Ka yakohmit vhlpesashki. Chahta i y kni anukaka ya Chahta iba hohltina he im aialpiisa ka ahint, uan asihl a anompa bohli putta ka U. S. Kamishana, ahliha Akinsa Fort Smith aiasha kak okma, Keyokmat pin kanimma hoh kia, Chahta toba banna ya aiimaponak lochet ik aias o ka chi ka, Secretary of the Interior, yat imoktabla c i kat ilappak atokma aiim annoaslike. Hattak yamma chomi tok okano, Chahta okla hoka to, Chahta yomalili okla ahua chi keyu hoka, micha, hiyak api la mako, Chahta okla ahua chi keyu.

SEK. 2. Himak ma yakohmit vhlpesashke, Chahta i yakni anukaka ya Chahta okla aiachaffa ilimihat im ahli bannat anompa i kahpoli poyutta ka U. S. hattak api homma okla nan isht imatta yat ai i haponak lot nan ima nuk filla chi ka, Secretary of the Interior, yat anompa ima chi kat ilappak atokma aiim vhlpesashke; Atokma na hol o miko yat anumpa nana o apisa hokma yammak aiahli mak ashke. Yammak okano Yohmi hakinli sia, anompa kahpoli yamma chomi kat, Chahta okla im ahltoka, nan aialpiisa is t ahashwa yo itikba anompa ai i kahpoli ka ikima yokyacho yatuk ak ilashke. Yolma chi ka Nahollo Miko yat, Yakni Kanimma micha nitak nana ho aiima ponaklocha chi kat, Miko Cheto ya hak loche hashke. Yohmik ma nana aiima ponak locha chi yamma chomi poyuttak ma, Chahta okla nan isht ayokpa ya apih poa hancha chi ka Chahta laya nan isht atta ona cha hjula kanimma ka Miko Cheto at Atokoli hashke. Yohmik ma laya yamma chohm: kat nan ai isht asha ka ia, micha falamat aya aiina kat hina aiapissali moma i shahli kaku Kowih hat ai imahlpesa kat, kowih achaffa aiyyakak ma cent pokollt ia hosh, imahltobak mat, nitak Kanihnei ho nana isht ahauta tok apissali kak osh nitak achaffakma \$5.00 ia hosh imahltobashke. Yammak Miko Cheto ak osh apisa ho Tali holisso nana hosh nan isht ikahlpeso Kisha yat tali holisso aiittola ya ittoula hokmat akochat isht im ahltobashke.

SEK. 3. Himak ma yakohmit vhlpesashke, Chahta i yakni anukaka ya Chahta iba hohltina Keyu poy utta yosh himak a aiasha hokmat nitak a chi kosi makinli ho, Chahta ibahohltina im aiahli piisa ima hoba tok at ilatokolicha chi kat ishit wakaya chi ka U. S. Na hollo Miko at Anompa i bohla chi ka, Secretary of the Interior

yat imannoa cha chj kat himak ma im uhlpisashke. Atoko okla ikayokpacho, keyokmat nan isht ikahno hokma, Chahta j yakn-uhlpeša misha ashaka yu pit wiha chashke.

SEK. 4. Himak ma yakohmit uhlpesashke, Nan ahlpisa ilappa aholba achaffa ka, Miko Cheto yat, Secretary of the Interior ya pit imak mat, achaffn ka U. S. Nahollo Miko ya pit imak mat, anonti Chi Kasha okla j Miko ya aholbat toba achaffa ka pit ima cha, Chikasha okla ha nana ittiba nokfihjnlk mat itta pila hancha chj kat ima sihlhashki Mikma nan uhl, isa ilapput hlopulli ka aiahlit ia kat ajahlit holittopat itto olaski.

STEPHEN WATKIN,

Pitishan j Kamitti Pihlich.

Aiokpachi, Aktoba 21, 1882.

JAMES THOMPSON, Senit j Miko, Miko chltobat asha.

BILL NO. 9.

Mosholitabt Uhltih ha, Uhltih Cholastis Ellis Austin at nan annoa bohli tok 9, yammak atukmat hachj Kamitti pia ha pibbak foka tok at, yammak, okat aiahli mic a aiahlpisa bano, micha nan isht atobbit iktahlo tok at \$447.98 hosh ibbak foka moma ho ilakostinin chi hosh nan annoah ha ilikbi cha, Anumpa it iyakaya ilappako hlopulli hokbano Ahnislike

SEK. 1. Chahta okla j nan apisa ittauaha chito itta famat aut iya ilappa, Mosholitabi Uhltih ha, Uhltih Cholastis Ellis Austin at holisso apisa nan isht annoa bohli tok 2 yammak okat aiahli, micha aiahlpisa tok, ahnit imayak pachishki. Mikma yakohmashki, achi ilappat hlopulli ka aiahlit ia kat aiahlit holittopat ittoy clashki.

ALFRED WRIGHT.

Holisso apisa j Kamitti Pihlich.

JAMES THOMPSON, Senit j Miko, Miko Chito chltobat asha.

BILL NO. 10.

Nan apisa okla ittanaha chito hash Chiimya ma:

Spincer Academy ipokni micha Spinsa Etiatmi himona aina nan isht annoa ya Rev. O. P. Stark at bohli tok, mikmat Spinsa Ekiatmi himona chokka isht atahla chj, ialli ono chi tok aina ka

ha chj Kamitti ya ibbak foka tok a anumpa it iyakaya ilappak g ahlapul i hukbano ahnishki :

SEK. 1. Chahta okla j nan apisa ittanaahj chito ittafamat chiiya ka yakohmashki, Spinsa Ekiatmi Sipokni Micha Spinsa Ekiatmi Gal No. 3

himona aiina ahtaha ka nana isht ima kania tok a Rev. O. P. Stark a \$390.04 kat isht i falama chj ka tali holisso nana hoh kia Tali holisso aiasha ittonla hokmat akocha: isht imahltobashki.

SEK. 2. Himak ma yakohmashki, himok ma \$1,000, key okmat pih kaniohmi foyoka hosh Spinsa Ekiatmi himona ya aboha himona inla isht atahla chj isht ahtaha he ahlpesa ka Rev. O. P. Stark a imissashki. Chukka, inla Spencer Academy ya ai ikbicha chj ka Yakomishki. Issoba j Chukka; Nan ilaiyoka aiasha chi aboha; Nan ai a chifa, paska aiikbi aboha aiina, Micha apotuka iya kat aiona ya chj, abohoshi toklo; Kali imaboha: Mikmat Chokka, aholihta toba chj aiina, Mikmat iti pahla 10,000, kat pahla chj, Chokka Aholihta anokaka yat ittilauit taha chj aiina chj Kak ashke. Mikma Atita yat Tali holisso hohltina pakna ka takkali ka Wallint isht aiina he at ilap pak atok ma aiimahlpesashke. Mikma yakohmashki achi at hlopulli ka aiahlet ia kat aiahlit holittoj ashki.

ALFRED WRIGHT,

Holisso apisa j Kamitti Pihlichu.

Aiokpachi, Aktoba 14, 1882.

J. F. McCURTAIN, P. C. C. N.

BILL NO. 11.

Jacks Fork Kaunti Anukaka ilik shan isht aiasha, Kanulli chi j Nan ehlpesa.

SEK. 1. Chahta yakni nan apisa chiiya ka yakomit ehlpisashki. Nan ehlpisa lap pat hlopullit mahaya haokano, Jacks Fork Kaunti angkaka elekshan isht aiasha yat Sameta jn Chuka bilinkasi Chikasha bok ontalaka isht aiasha Chatuk at, Chikasha bok aiittanaha yakoj pit Kauallashke, yohmi cha Chikasha bok aiittanaha elekshan isht aiasha hoh chifo hashke.

SEK. 2. Achakaya ka yakohmit ehlpisahke. Nan ehlpisa yat tikha ka ehlpisa tokat, Moyoma Keyokmat kashapa moyoma hokat

nan chlpisa ilappa i Sanalli hokat kobafa hoke. Yohmi na nan chlpisa ilappot hlopulli makinli hosh holitopa cha kallot ai a hlashke. Angmpa bohli

MARTIN CHARLESTON.

Aiokpachi, Aktoba 27, 1882.

J. F. McCURTAIN, Chahta okla i Miko Cheto.

BILL NO. 12.

Uhltih i laya aamma nan chlpisa hat Aktoba 19, 1860, yash aiokpache tok a Nan chlpisa hat akalli.

SEK. 1. Chahta okla i nan apesa ittanaha Cheto ittafamat Chiiya ka yakohmit chlpisashke. Nan chlpisa ahanchi yammak ash, Sekshan 5, kat chlkata cha. Mosholitabi Micha Poshimataha Uhltih aiina i laya yat afammik ma \$175.00 hosh imohltoba hetok ohmi kat \$300.00 hosh imohltobashki. Mikma Apakshana be Uhltih ha afammikma \$200.00 hosh imohltoba hetok Ohmi ka, \$350.00 hosh ima Itobashke

Kaniohmichi hosh imatobbi hokato, aiittilau chi bano hosh, yammako Ayamih chi hosh imatobbashki. Mikma nan chlpesa ilappat hlopulli ka aiahlit ia kat aiahlit holettopashke.

JERRY FOLSOM, Angmpa Bohli.

Aiokpachi, Aktoba 27, 1882.

J. F. McCURTAIN, Chahta okla i Miko Cheto.

BILL NO. 13.

Tobaksi Kaunti anukaka, nan aiatokoli ya Kana'lichi Nan chlpesa.

SEK. 1. Chahta okla i nan opisa ittanaha Cheto ittafamat Chiiya ka yakohmit chlpisashke. Nitak tikba ka Tobaksi Kaunti Anukaka nan aiatokoli isht aiasha yat Perryville Sepokin yakq isht aiasha he osh uhtaha tok, micha Perryville nan aiatokoli ahuit isht aiithaiyana Chatuka himak ano yammak atukmat Kanalli cha, Kaunti yommak inli, McAlesta yakq pit ahi Kashke; yohmi cha McAlesta Nan aiatokoli Ahnitisht Aiithainashke.

SEK. 2. Himakma yakohmit chlpisa shk Perryville Sepokin

yako, nan aiatokoli ahni ho tallaya C atuk at himok ano ilappa aiokshoshke. Mikma nan ehlpisa ilappat hlopulli ka aiahlit ia kat aiahlit holittapashke.

GIBSON SEXTON, Anompa Bohli.

Aiokpachi, Aktoba 27, 1882.

J. F. McCURTAIN, P. C. C. N.

BILL NO. 14.

CHAHTA TAMAHA, C. N., Aktoba 23, 1882.

Chahta okla i nan apisa ittanaha Chito itta famat Chiya ka yakohmashke.

Himok nan apisa ittanaha cheto yat Nofimba nitak 4, 1882, tabokoli ikono hashe kanalli 10; Ka tishilashki, Mikma yakohm ushke, achi ilappat hlopulli ka aiahlit ia kat aiahlit hollittopashki.

SIMON NELSON, Anompa Bohli.

Aiokpachi, Aktoba 30, 1882.

J. F. McCURTAIN, Chahta Okla i Miko Cheto.

BILL NO. 15.

Holisso chi Chito yat nan isht ilapilacha chi ka iskalli ya imapesat i tak ali chi, nan ehlpesa.

SEK. 1. Chahta okla i nan apisa ittanaha Chito itta famat chiye ka yakohmit ehlpesashke.

Holisso chi Chito yat naua isht aiahguta kat isht imahltaht isht ilapila cha hi ehlpisa, ka \$50.00 kat afammi aiyukakma, isht imahlpihi a chi ka ilappak atukma aiahltahashke. Tali holisso nana hosh nan isht ikahlpiso yat ittonla hukma akucha hosh isht imahlto-bashki. Hohltina yammak isht imahlto-ba chi ka "Atita" yat "Wallent" a ikbit imakma Tali holisso sholi yat imato bashki, Mikona nan ahlpesa ilappat hlopulli ka aiahlit ia kat aiahlit holittopashke.

STEPHEN WATKINS,

Pitishan i Kamitti Pihli Chi.

Aiokpachi, Aktoba 31, 1882.

J. F. McCURTAIN, Chahta Okla i Miko Cheto.

BILL NO. 16.

Itti patahpo takali chi kat nitak Kaniohmi aiahli hō im aiahla chi ka imissat imapisa. Nan chlpesa:

SEK. 1. Chahta okla i nan apesa ittafamat Chiiya ka yakohmit chlpesashke, James S. Johnston at Perryville Bok a itti Patahpo aiki chit ahltoha ahoya chi kat Aktoba 31, 1872, yash anompa ishi toka Aktoba 31, 1882 Ako nitak at i taba toka ilappak atuk at Auonti nitak at imachaka Kat Aktoba 31, 1892. ako Aiahli hō nan isht im aiahpiisa mikmat nan isht ayokpa hi at nitak at imachakat imchlpesashke. Mikma nan chlpesa ilappat hl pulli ka aiahlit ia kat aiahlit holittopashki.

STEPHEN WATKINS,

Chairman Committee on Petitions.

Aiokpachi, Aktoba 31, 1882.

J. F. McCURTAIN, Chahta Okla i Miko Cheto.

BILL NO 17.

Chahta i yakni Kaunti ilaiokali Sheriff ahliha hat isht aialpilacha he o Nan chlpsa hat imapisat imissa.

SEK. 1. Chahta okla i nan apisa ittanaha cheto ittafamat chiiya ka yakohmit chlpsashki.

Chahta i yokin Kaunti iliaokali i shalif ahliha hat ayohma he im ai chlpsa hō Miko Cheto yat imahni tok mako, yokni nan aiahltaha ya, immi atuk at aiahlit ilap i Kaunti aiahpiisa aiokali Sakit Koat itikba yo ont aiahl tokoat atokolichi poyutta hokang, mokofit immi ibbak fohoka he at ilappak atukma im aiahlpesashke.

SEK. 2. Himakma yakohmit chlpsashki. Nation ahanchi kako "ahekia" hoşh Uhlth i Laya putta kat Anumpa ilappa Aiimma hō isht imasha putta ka, isht ahān ta he at imchlpsa mak oke. Atoko anumpa Supreme Koat ako achakat ia he at aichpiisa pulla ka imanukfila hokmat, anumpa inla kahpoa yat achakat ia chatuk a aiittilauichit anumpa ha achakalichashki, yohmi Kia anumpa achakat ia yamma. Bond o achakalit K at i shahli pila he okang yamma no yohma he at im aichlpesa keyu kashke.

SEK. 3. Himak ma yakohmit chlpesashki. Yakni nan aiahltaha poyutta, micha yakin inla nana hō kana hat immi at gsha hoh kia yammak ash Koat at ikatokolichokmat, afanali chet pesa keyu yo

aiaſ' a putta tok ang ilap i Kaunti aiokali Shalif may a tok putta tok ak osh, Okla moma itikba isht tahpa la hosh Kahancheshke, "yohmi hakinle kia" hatsak kana hosh nan isht tahpala kania ka chompa kat Nishon a aiachalla micha, nana kanchit ahanta fokali ka ahanta tok ak osh, Kana i yakni nan a'ahltaha ta'oh may a tok putta ka chompushke. Mikmat na chompa yammam nana 'o chompa putta kat holabi Kyuamba ilapo nanih cha chi apiss'li, Micha ilapo nan isht ayokpa chi aiima apissati hokmak osh chompushke. Nana aiahltaha, micha kana i yakni hniho isht tahpala kania na chltoba yat ittola hokma, Sheriff at okla moma im iskale yo Tali holisso aiittola akahpoli Chatoka chomihchet, okla moma I Tali holisso sholi ako ibsak fokashke. Yohmi ket Miko yosh miha toko nana yomi ka yokachit i shi tok, micha ishit tahpalat kanchi chi kat, annoahuchi tok micha kauchi tok moma Kat Kaniohin hokma, yammam isht aiahtoba mak osh "per cent" 5 ka ako chit ishi hayashke,

SEK. 4. Himak ma yakohmit chlpesashke, anompa ilappat ahlpesat hlopulli hokma, Kaunti nana ho anompa ilappa aholbat toba ya iishi hosh, uhltih yamma aiahanta hokma, nan chlpesa ilappa imatahlashki.

SEK. 5. Himakma yakohmit chlpisashke, Nan chlpesa ilappat hlopulli ka aiahlit ia kat aiahlit holittopashki.

ISAAC McCLURE, Anompa Bohli.

Aiokpachi, Nofimba 1, 1882.

J. F. McCURTAIN, Chahta Okla i Miko Cheto,

BILL NO. 18.

Uhltih aiukali nan chltoba Kahpoa ka ittahobbi atokoli micha nan isht aiatta mikmat isht imahl toba aiina hi a nan chlpisa hat aiimatahli.

SEK. 1. Chahta okla i nan apisa ittanaha cheto itafamet chiya ka yakohmit chlpisashke, Senit ak osh chlpisa ahmit imayokpachi ho Chahta i yakni ilappa Uhltih aiukali nana chltoba Kahpoa ka ahoyat itta hobbi, yosh hiohla chi ka Miko Cheto at Atokolashki. Yohmi ho ilap imai Uhltih aiukali ka, nan itta toba ahliha hat atobbi ka chltoba va imahoyat itta hobashke, micha itibasha, mikmat iti inla pesa ilaiyokali putta tali hina abaiya keyo ho, ashalit Chahta i yakni ilappa isht akocha wihli ka, chltoba aiimahoyot itta hobbishke. Micha ahika yat Kaniohmi hokma ahltokea ka yam-

mak-atukma ihi shashke. Micha hashi to china aiyokalik ma, afamma yamma anukaka aiy ukali ka Miko Cheto ya nan annoa imikbashke. Yohmikmat okla toksali tok aiyuka li kat Kaniohmi ho ittahobbi hokmat, per cent. 10 ho akuchit aiishik mat, Atampa kang hashi to china aiyukalik ma Tali holisso shol. ya nan annoa i bohghlashki.

SEK. 2. Nan vhlpisa ilappak atok mako, nan vhltoke nana ho atokohonli hokma, Nan vhltoke yammam Nishan ilappa aiachaffa yashke, yohmikmat bond a Chahta okla hako imatobba he osh Tali holisso \$5,000, ho ilonochi ka, Miko heto yat imayokpachi hashke. Mikma Holisso chi Chito nan isht aiatta yak abohli hashke. Nan vhltoke, yamma chomi putta kat, yamma takla ka, Nan vhlpisa iakayat nana atahla hetok at ikaiahilo ki, Miko Cheto yat ik ko cha vihlo, hokma heohmay a na afammi toklashke.

SEK. 3. Nan vhlpisa hat moma, Keyokmat nan vhlpisa ha akashpa hokma, nana hosh tikba ka ahlpchesa tok a Kaniohmit himak nan vhlpisa tok ilappa aiit timasanali hokmat, yammato ilappak atokma ai aksho na, Amba himak nan vhlpisa tok ilappat hlopulli mak inli hosh, himak a aiahlit ia ka aiahlit Kallot ittoy olashke.

SAMPSON HOLSON

Anompa Bohle.

Aiokpachi, Nofimba I, 1881.

J. F. McCURTAIN, Chahta Okla i Miko Cheto.

BILL NO. 19.

Chahta i yakni anukaka ya tali tobaksi at Akula putta ka wiki chi ya chi ho Nan vhlpisa hat ima tahli.

SEK. 1. Chahta okla i nan apisa ittanaha Cheto ittafamat Chiiya ka yakohmit vhlpisashke, Senit at ahlpisa ahint imayok pachu ho, Nishan anukaka ilappa, Kanemma yo Tali tobaksi akulli at isht aiasha hokma, yamma aiokali awikechi yat ahiohli cha Na wikichi mak a chi ho Miko Cheto at Atokolashke, Yohmi na yammak osh talitobaksi yat yamma akola putta ka moma ka awikichikmat, Kaniohmi hosh nana isht atoba tok putta ka ahika holisso ahltokea ka ihkbi tok osh, afammi yamma hlopulli ai ahli ka, hashi tochina aiyuka lik ma Miko Cheto ya nan annoa i bohghlashke.

Yohmikmat na wikichi tok at isht imvhltoke chi ka hashi to chi-

na aiyokalikma Miko Cheto yat satifikit ima hō nana aiahtobat Kahpoa tok akō akuchet per cent. 10, hosh isht imahltobashke, yammak isht ai imahltoba chī kã Atita yat Walint imik bikma, yammak atok a Tali holisso sholi at atobbashke.

SEK. 2. Nan vhlpisa ilappak atok makō, anotaka hosh Kana hosh nana aiahtoka hokmat Nishan ilappa aiachaffa yoshki, Micha Chahta Nishan akō ima tobba he osh \$5,000, kã "Bondt" a ilonochi kã Miko Chito at imayokpachi hok mak ashke, yohmi cha nana isht aiahanta he im aiahlpisa ilappa foyoka tok a moma kã aiahlit chit isht ahanta chī hok makashke. Yohmik mat, nan vhlpisa ia kayat nana ahtoka ahikiat nan isht ahantat atahla hetuk at ikaighlo keyn kī, Miko Cheto yat yamma takla kã ik ko chi cho hokma, Nan vhltoke ya hiohmaya nã afammi tok lashki.

SEK. 3. Nan vhlpisa hat moma, keyokmat nan vhlpisa hã akãshapa hokma anna hosh tikba kã ahlpisa tok osh, Kaniohmit nan vhlpisa ilappa aiittim ahlpisa keyo hokmat, yammato ilappa aiakshoshke. Mikma Nan vhlpisa ilappat hlopulli kã aiahlit ia kat aiahlit holittopashke.

SAMPSON HOLSON,
Anompa Bohli.

Aiokpachi, Nofimba 1, 1882.

J. F. McCURTAIN, Chahta Okla i Miko Cheto.

BILL NO. 20.

Itti pesa ilaioka putta ahtoba akahpoa chī kã Nan vhlpisa hat ai imatahle.

SEK. 1. Chahta okla i nan apisa ittanaha cheto itta famat chiya kã yatohmit vhlpisashki. Chahta i yakmi anukaka yo itti ilai oka kã ahtoba akahpoa chī hō Nan vhlpisa hat imatahli kã "Yakomi."

Itti Basha Hahi iyi 1,000 hokma	\$5 00
“ Tiak “ “ “	1 00
“ Shinap “ “ “	2 00
“ No api “ “ “	1 00
“ Shombala “ “ “	75
“ Shãkolo “ “ “	3 00

TALLI AIANOMPULI ITTI FABASSA.

Chowahla, ont wishak chi ya in 4 to 5 okmat, akishtala ya in 8 to 10 micha falaya kat eye 26 hokmat sent 40 ia.

Chowahla in 6 wishak chi ya, akishtala ya in 12 falaya eye 26, 50 cents ia.

Nosapi in 6 wishak chi ya, akishtala ya in 12 falaya eye 26, 25 cents ia.

Nosapi in 4 to 5 wishakchi ya, akishtala ya in 8 to 10 falaya eye 26, 20 cents ia.

Chowahla nana inla toba, falay imma vblpesa hosh eye achaffa ka 2 1-2 cents ia.

Nosapi nana inla toba, falay imma vblpesa hosh eye achaffa ka 1 cent ia.

TALLI HINA IMITI PATASSA OKFOATKACHI.

Nosapi, chisha baiye micha baiye inla	- -	10	cents	aioka
Chowahla,	- - - -	25	"	"
Katih lakna,	- - - -	25	"	"
Katih lusa,	- - - -	10	"	"
Bihi ape,	- - - -	15	"	"
Balop,	- - - -	15	"	"
Itti Katih losa holba,	- - - -	10	"	"
Kafi itti,	- - - -	15	"	"
Nosapi (homma micha lusa),	- - - -	8	"	"
Teak	- - - -	6	"	"

TALLI HINA AIITTIOPITAMA IMITTI PATASSA

Nosapi (chisha, baiye & Baiye holba,	- -	25	cents	aiyuka
Nosapi (hom na micha losa),	- - - -	15	"	"
Tiak,	- - - -	10	"	"
Wak hak shop ishit homma cha chi itti a chaffa				
hlohliit aiishi ka,	- - - -	75	"	"
Itti chaya ittahoba, hekia a chaffa ka,	- -	20	"	"

ITTI SHIMA CHOPONTA.

Tiak shima, 25 cents per M. Shakolo, 30 cents per M.

SEK. 2. Itti inla nana hoh kia nan vblpisa ilappat bihlipti Keyu tok putta kanq, nana aiahtoba yat Kaniohmi Kak osh i shahli hokma aia Kostini chi tok, micha Miko Cheto yat ayokpachi hokma. Nana aiittim apisa ka vblpisa i shahli kako, National Agent at nana aiittim apisa he at imai vblpiisashki.

SEK. 3. Itti basha, Itti Shima Choponta, micha wak hak shop ishit hommachi, iti hakshop aiina aiahtoba chi, paknaka annoa tok ilappat, Nishan anukakaka ilappa tobat ont aiahta ha Kak inli ho, vbltobashki, Nana ilappa ashalit ko chi hokma, Keyokmat Nishan

Anukaka ilappak inli hq akampila hokma, ik nana ki a vhtobashke.

SEK. 4. Nan vhlpisa hat mōma. Keyokmat Kashapa hokma nana hosh tikba kq nan chlpisa toba tok osh, Nan vhlpisa ilappa aiittim vhlpisa keyu hokmat yammato ilappa aiakshoseke, Mikma nan vhlpesa ilappat hlopulli makinli hosh aiahlit holittopashki.

SAMPSON HOLSOM

Anompa Bohli.

Aiokpachi, Nofimba 1, 1882.

J. F. McCURTAIN, Chahta Okla i Miko Cheto.

BILL NO. 21.

Lokil Cholastis at ahltoke chi micha nan isht ai atta i bihlipli aiina hi q nan vhlpisa hat imisa.

SEK. 1. Chahta okla i nan apesa ittanaha chito ittafamat Chiya kq yakohmit vhlpesashke.

Uhtih Cholastis ahleha hat ilap im aihltih aiyukali kq, Chokka lokoli holisso apesa aiyukali kq lokil Cholastee at hioh maya biika chi kq, hattak nan isht atta impunna achaffa kq, aiatokola he at imai vhlpiisa kq ilappak atukma aiahl tahashke, yohmik ma yamma takla kq ikko chi cho hokma lokil cholastis at hiohmaya nq, holisso pesa imafammi achaffa kq hio mayashki, yohmik mat holisso apisa nana hq i cholastis atokokmat holisso pesa chi ya, yammak osh ima tokoli chikmat, hashi achaffa aiyukalik ma holisso pisa ya i nohwa pullashke, hashi tochina ont taha aiyukalik ma holisso pesachi ya afanli chit nan isht annowa mic a ahika aiina kat aiahlpiisa hatoka yakohmi tok oke, achi ashke. Lokel Trustee yamma chomi kat toksali tok at holisso pesa ont a hlopulli hokmakō Uhtih Trustee ak osh satifiket ima hokma hashi achaffa kq \$2.00 ia hosh imahlto-bashke, Nishan aimka ka ilappa nan ahltoke inla nana hq iishi hosh ikahanta hohkia lokil tolastee ahltoke he okanq imatak lama he keyu hoke.

SEK. 2. Himakma yakohmit vhlpisashke, Uhtih Trustee ahliha hat ilap im aihltih aiyukali kq Nofimba micha April hashi ya holisso apisa ya aiinowat fallo ta he Sikshan ont isht 6 Nofimba 9, 1881, ash nan vhlpisa toba nq aiokpachi tok q yammak atokmat ilappa aiak shoshke, mikma nan vhlpisa ilappat hlopulli kq aiahlit ia kat aiahlit olittopashke.

CHARLES WINSTON,

Anompa Bohli.

Aiokpachi, Nofimba 1, 1882.

J. F. McCURTAIN, Chahta Okla i Miko Cheto.

BILL NO. 22.

Hashuk hayaka asha, keyukmat oktak hashok, a ahltoaba akochat kahpoa ya aitta hobba hi a nan vhlpesa yat imatahlet imissa.

SEK. 1. Chahta okla i nan apisa ittanaha cheto ittafamat chiiya ka yakohmit vhlpisashke, nan vhlpesa ilappat ahlpisathlopulli haya himak a pilla ha, Nishan ilappa aiachaffa kana hoh kia, keyukmat ilappak atukma aiahanta chi hosh permit ishi yosh ahanta poyutta kat, Nishan ilappa okla moma i yakni ya, oktak hashuk, keyukmat hashuk hayaka asha ya aiamot shalit, micha kanc i aina he at imahl pisa mak oke. Yamma yohma chi kat nana aiannk filli tok at ilap i kaunti i shalif ako imanoli hayashke. Michi nan vhltoaba kahpola chi tok a, Nishan a isht im atobba he aiahlpisa ka, michi hohltina kat kaihohmi ittahltoaba he a ilappak fokka chi ahni tok a hohltina yammak aittilai foyuka ho shalif ahanchi tok ma bond a imatahli hayashke, hashuk a ama hi tikba ahanchi kash yammak amo kat shalit Chahta Nishan yakni vhlpesa misha ashaka yo isht ia chi hosh, hashuk a Tan achaffa aiyukali ho amo hokmat sent 50 ho imatobbashke.

SEK. 2. Himakma yakohmit vhlpesashki Sitisan kana kia ilap i Kaunti i shalif a haklocha hetok at ikahlo michi bont imatahla he tikba ahanchi kash ikahlo hosh Nishan yakni vhlpisa ilappa hashok almo, keyukmat hashok nana hoh kia ashalit ahanta hokmat, hattak ikaihlpiso mak o anompat onottolashke. Yohmi cha ilap i Kaunti, i Kaunti Koat osh apisa ho sitisan atok okmat tali holisso pokoli tahlapi hosh ahltoaba i Kaniashke. Yamma ahltoaba i kania ka, inla nan ahltoaba i kania ho ahoyot ittahobbi chatok akimli chomih chashke, Amba sitisan keyu hatok manq, shalif ak osh Miko Chito ya haklochashke. Mikma yammak osh mihmak inli ho Unaitit Stits Agent a haklochi cha, Nishan a ako chi cha chi ka imasihl hashke, Kaunti iliaokali i shalif ahliha hat nan vhltoaba kahpoa ka ahoyot ittahobba chi tikba ahanchi kash, yamma okla tallaya hosh nanih cha chi mak Okla i Tali holisso sholi yak o atosholichit ibbak fokashke. Yamma ik yamih cho kisha kat ilap toksali tok isht imahltoaba mak yammak osh per cent pokoli ka akochi hayaseke, mikma nan vhlpisa ilappat hlopulli hayatt himak a aiahlit mahay a ka aiahlit holittopa mak oke.

GIBSON SEXTON,
Anompa Bohli.

Ajokpachi Nofimba 1, 1882.

J. F. McCURTAIN, P. C. C. N.

BILL NO. 23.

Kaunti anukaka ya Permit imat imissa hi a nan vhlpisa hat ittiyaka-yachit imapisa.

SEK. 1. Chohta okla i nan apisa ittanaha cheto ittafamat chiiya ka yakohmit vhlpesashke, Osapa toksali ya chi ho, keyokmat na pota yokma nana ho sitisan keyu ho sitisan poyutta kat toksali ya tohno banna hokmat, yammat osapa toksali, keyokmat na pota, achi nan vhlpisa ilappa amiha kat, yammat osapa atoksala chi kat nan isht toksali ya moyuma ilaiatahli hokma, keyukma, iknana hoh kia, osapa yato aiina keyu ho, micha nawaya aka shapa ka isha chi, keyokmat toksali tok at aiahtoba ka iskalli ittialli yo isha chi hokma nana hoh kia, Osapa tok sali aiyuka, keyukmak na pota yokma nana ho toksali tohno hokmat permit a imisha chi kat ilappak atokma imaihlpesashki.

Permit a imishi kat nana kat yakohmi hashki. Micha yammat afammi achaffa kano atampa keyukmat anonti yammano olatakla keyu hashke, Sitisan ak okma Keyokmat nan isht imatta yakokma nana hosh Sitisan keyu yamma chohmi toksali tohno banna hokmat i Kaunti anukaka hattak i chukka talohmaya hochukma ushta hosh hoh chifo imitakalichi ho, achaffa kato Sitisan okma keyokmat nan isht imatta yak okma nana hosh, kana ho yammako ahi tok makosh hoh chifo ha imitakalichit holisso anompa toba ho Kaunti Chatch i bohlayshke. Yohmikma Chatch ash osh Sitisan yamma chomi kash, keyokmat n n isht imatta yakokma nana kash anompa kallo onochi cha, nana ponaklo yakohmi ho i ponaklashke.

Ilappat osapa atoksali, keyukmat na pota yokma nana ho toksali tohno chibanna toka, hattak ilappat nana achukma biika ahi chaturuk, oka ishko keyu, micha nana aiokpachi achukma ka ishahithana aiahli micha achiyimmi aiahli hoh chi chuk? Sitisan keyu yat ahlpva kaniohmi ho ishi hosh Nishan ilappa anta hetok a atampa keyu ho ishit kiyu cho? Ishtaiopi ka kana ho i toksali mat, nana ittim ahika ya aiahlpisa micha oyona achokma ho ittimatahli ittim aposkiachi tok at nan isht ahtokoa kaniomi ka ishi chi chuk achashke? Nan ahika ya aiahlpisa ittim atahli tok nan isht ahtokoa ya Sitisan at hayakachashke. Mikma Chatch at yammak ash afanali chit pesa ma yammak ash ahlpisa bano, micha na ponaklo inla aiina kash, anumpo afalama yat ahlpisa bano hokma anompa bohli kash imayukpachikmat permit a banna tok a imissashke, Kaunti i holissochi yat ilap ibhak fihna permit a imik hik mat isht i chowa

aaina atakalichi cha Shalif a imakma, yammak osh Sitisan kana hosh, keyokmat nan i-ht ir.atta yakokma nana hosh anompa b hli tok okma, Tali holisso \$16.50 hq bohli na ishit mat permit a ibbak fokashke, Tali holisso achaffa kato shalif at toksali tok ako imiyakma, iskalli ushte kato holisso chi ako imiyashke.

SEK. 2. Himakma yakohmit chlpisashki, Nitak Kaniohmi hq imahlpesat permit ishi tok annoa foyuka kash ot ont taha hokma, nitak yammak okano shalif ak ash nittak nana hattok a holbat toba ya ishi tok osh, ishi hoka, amba himonachit ikbi hokano Kaunti Chatch akosh holisso yamma paknaka yak a holisso cha chi hoka, micha Kaunti i holisso chi yat himakma isht i chola chi hoka, micha Sitisan ak okma, nan isht imatta yakokma nana hq permit a imissa tok okma yammak osh shalif, a \$16.50 hq atobbi ha chi hoka, yammak keyu hq, nitak at ont taha hokano, Sitisan keyu yamma chohmi ka nan ataklamme mak a hni hashke, mikma yammak osh shalif at aiyakayat Miko Cheto ya haklo cha he ak osh im aihlpiisa mak oke.

SEK. 3. Himak ma yakohmit chlpesashke, Laya kana, kia, alik chi, holisso ikbi, chukka ikbi, ittichanalli ikbi, Talli boli, na chanaha ikbi, abota ikbi, Nan a choli, Sholosh ikbi, abota isht atta, Tali chanaha laua ikbi, iti bashli, wakhak shop hommachi, isht imittatoba, ittichanalli ishi, yammak itti chanalli micha Shali yat i hikia hosh yammak ash chaffachit kanah tohno na imihlto no, keyokmat pih "nana toksali inla nan ikbi imponna yam ma chohmi, kat Sitisan keyu pyutta kat Nana ho ilap ak osh atuksali aiyukali, micha ilapo atoksali, imahltaha tok aiyukali tok mak osh, Nishan, anukaka ilappa ai isht aisha kat im aihlpesashke.

Kaunti Kanima anukaka yo nana aiisht atta banna tok aiyukali kat yamma i Kaunti chatch ako anumpa ha okla i bohlashke. Anumpa yamma Kaunti anuka a hattak ahl i chukka talohmaya hochukma, tahlapi hosh hobchifo ya imitakalichi hq Chatch a okla i nan ahlpesa ittoyola ka moyoma holitopla chi ilimia hashke. Michan chlpisa Nofimba 15, 1880. toba na aiokpachi tok ahlpoa aamma yammak afihna kak ashke, micha anompa nana hq isht ai asihla osh anumpa bohli tok a keyu. nan isht atta inla hokano ainin chit isht ahanta kat iksho kashke, anompa bohli tok a Chatch at imahlpisak mat, Kaunti i holissochi ya ilap ibbak fiha permit a isht ikbit isht i ehwa aaina atakalichit sheriff a ima chi ka imapisashke. Mikma anompa bohli atok at \$16.50 ka imatobbi

hokma, permit ash anompa bohli ya imashki Hattak kana achit Sikshan ilappa aiannohwa kash afammih aiyukalikma permit himona ihishashke.

SEK. 4. Himakma yakohmit chlpesashke, Tisho hachi ho ahni hosh Sitisan keyo yo i toksala chi ka hattak kana kia toksali tohno banna hokmat, (Tisho achi nan chlpisa ilappat isht amiha kato, hashi ahlpisa yo toksali hokmat kaniohmi kako aaim ahltobat mahaya chi kako micha) hattak tisho hoh chifo yammak ash Kaunti i holisso chi ako imash ke Mikma Kaunti i holisso chi yat Sitisan ash keyokmat nan isht imatta yash anompa kallo ono chi. Nana ponaklo yakomi ho i ponaklashke. Nan chlpisa ilappa aiyakayat nan isht ai anukfillit miha ka hattak ilappat pih ihltotno apissali kat aiahli cha, na pota keyokmat, osapa toksali yano keyu chishba? Nana tok sali tok ato nana waya ya akashapa ka isha chi keyu ho? Nanah waya cha chi kato ahlpisa nana kia. keyokmat nan isht toksali yano kanimma ka ilai atahla chi keyu ho? Nana ponaklo ilappa moma ka afalammichi ka ahlpisa bano, micha anompat "Keyu" bano ho' mano, Sitisan yamma chohmi loh chifo micha im ihltotno hoh chifo hohltina aima ka yamma apitta chi apissali holisso hat itola tok os' hohchifo ya atakohlichashke, yohmi hakinli ki' hoh chifo aiyuka holisso fokki ka Sitisan ak csh hoh chifo achaffakma Sint ro ho atobhashke.

Hattak hohchifo yammak ash moma ka holisso chi yat shalif a imata lashke. Yammak okma ihltotno ahni ho Sitisan keyu yo toksali tohno tok poyutta ka hashi achaffa aiyukakma Sint 45 ho Sitisan yamma chohmi ka imahoyat ahika ya ittahobhashke. Uhlth nan chltoba akahpoa ka ahoyat ittahobbi ahliha ha, "Saisins" ishit itatoba a'li ha hat ihltotno, keyokmat toksali yat hohltina kaniohmi hosh imasha hokma shalif at aaim akostinin Chashke. Sitisan keyu yosh itti abasha ya chaffichi, talli tobaksi kulli, Keyutmat nan isht atta yamma chohmi ho, "Laisins" at imissa yatok, yomi ka hashi achaffa ka ihltotno yat aiatobbi ya'etok omih chit hashi achaffak ma, Shalif at ahltoba imahoyat ittahob bashke. Amba nan isht imittatoba micha iti chanalli ishi ahliha hosh, micha imiti chanalli yat i hiohma yat toksali chit imiti chanalli ya tiblili keyokmat.

SEK. 5. Nan ahlpesa yat amiha tok ako, inla kana hoh kia yammako aijklanna hokato \$16.50 ako atobhashke. "Laisins" ishit itatoba kana hoh kia, Sitisan keyo yosh itti abasha chaffichit ah-

anta, tobaksi kulli keyokmat nan atoksali inla yamma chohmi ka isht ahanta hosh toksali tohnot ahanta kat hohltina kaniohmi, micha toksali yat ailaiokali Kaniohmi hosh imisha ilimiha tok at ash shachi hosh anoli tok okano, yamma ayohmi toka Miko Chito ya imannachi na I permit atuk ash aksho chit i kanchashke.

SEK. 6. Him k ma yakohmit ahlpesashki, hashi achaffa aiahi Kak hattak kana kia Sitisan keyu yo toksali tohno tok osh imasha hokmat permit imihoyot anompa kahpola hi a imissashki keyokmat hoh chifo ya holisso apittashki, mikma s alif keyokmat hattak inla kana hoh kia Sitisan keyu yamma ckohmi kat, Sitisan kana immi yo atoksali hosh ahanta na pesa hokma, Sitisan yammat nan vhlpisa ilappa kobaffi hosh toksali tohnot ahanta tok at Ammona Makinli ho nan isht ahtoko wa cha yammak ahi atok mako aiiya kaya hosh anumpat isht onottolashke. Nan vhlpisa ila pat aiatahabli tok ano akeyu ho hattak kana kia, Sitisan keyu kana ha Kaniohmi hosh tok sali tohnot ahanta hokmat hattak ik ahlpiso mako anompat isht onottola cha, yammak ash ahtokoa hokmat tali holisso pokoli tablapi kano ikolatoklokmat, talli holisso tahlipa achaffa kano atampa keyu hosh ahtoba yat ikaniashki.

SEK. 7. Himak ma yakohmit vhlpesashki; anompa Kallo onottola cha holabi hosh Sitisan at miha ho permit a imat imissakma, Keyomat hohchifo yat holisso a'lpitta tok kia, yammat nana ho keyu kashki, Mikma Sitisan yammat holabi hosh anompa kallo onotlolat nan anoli mako, Aktoba. 1841, nan vhlpisa toba na aiok pachi tok ako aiiyakayat nan isht imahlpesashke: Chatch kana kia. holissochi, keyokmat shalif Kanimma kia na isht aiahanta chi ho ilappa ai i bihlipli kash kanimma kia ikaiaho ho hattak naksika tochina hosh nan anoli ho, Nan ahtoka ahliha yammat himmak ma nan ahtoka nan isht aiatta yatok at isht ikmahayo Kachi mako Miko Chito yak osh yokoplichashke. Nan ahtoka ahliha yakomit yokopa tok a Miko Cheto yat Sakit Chatch a haklochashke. mikma nitak kaniohmi kak osh achi ka hinla hok ma, Koat asha he ont aiahlpisa kak okma ke yokomat, Koat aiittin takla hohkia, anompa yamma aij haponaklot nan imapisashke. Nan vhltoke yamma chohmi ikai iksho ka Miko Cheto at yakosi aiittintakla hohmaya chi ka, atokolit isht alotolashke mina nan vhl toka yamma aiahlpisa keyuchi hosh yokoplitok, keyomat nana kaniohmi keyu ho nana yamma ayamihchi tok a Sakit Chatch ak osh anompa ha apisa hayashke.

SEK. 8. Himak ma yakohmit ohlpisashki Nan ohlpesa ilappa anutaka hosh tali holisso yat kaniohmi ho ittahobbi tok okmat Shalif at per cent pokoli ka aiisha he at imahlpisashki, mikma atampa Kato Kaunti osh nanih cha chi ho Kaunti tali holisso aiitola yako iashki.

SEK. 9. Himakma yakohmit ohlpisashki, Nan ohlpesa hat moyoma, keyckmat kashapa hokma nana hosh tikba ka nan ohlpesa tohoba tok at himak nan ohlpesa toba ilappa Kaniohmit aiittim ahlpesa keyomat ilappak atokma aiakshoshke mikma himak nan ohlpesa ilappat hlopulli ka aiahlit ia kat aiahlit holittopat ittoyulashke.

JEFFERSON GARDNER,
Anompa Bohli.

Aiokpachi, Nofimba 2, 1882.

J. F. McCURTAIN, Chahta okla i Miko Cheto.

BILL NO. 24.

Nan ohlpesa i tokoa Kaniohmi ho Interior Department at aiokpachik bano ahnit Miko Cheto yat imahoya Cni ka nan ohlpesa hat imasihla.

SEK. 1. Chahta okla i nan apisa ittanaha Cheto ittafamat chiiya ka yakohmit ohlpisashki, Nan ohlpesa poyutta himak a ahlopulli tok, keyukmat, Nan apisa ittanaha cheto tikba chiiya ka Sitisan keyu ahliha aiimma ho Kaniohmit nan ohlpesa hat pit ahaliji ka tohoba tok, micha Tanaposhi i nan ohlpesa yako afihna, Hina i nan ohlpesa, permit nan ohlpesa, Itti aiimma nan ohlpesa aiina ka Interior Department at pi ho itoblichik bano ahnit Miko Cheto yat imahoya chi kat ilappak atukma aiimohlpesashki. Mikma nan ohlpisa ilappat hlopulli ka aiahlit ia kat aiahlit holittopashki.

SIMPSON GARVIN,
Anompa Bohli.

Aiokpachi, Nofimba 2, 1882.

J. F. McCURTAIN, Chahta okla i Miko Cheto.

BILL NO. 25.

Wade Kaunti anukaka ya nan aiatokoli ya himak ma ibafokit api sa, nan ohlpesa.

SEK. 1. Chahta okla i nan apisa ittanaha cheto ittafamat chiiya ka yakohmit ahlpisashke. Wade Kaunti anukaka Nanih Waiya.

Sepokni ya i falammi, micha hashi aiokattola aiittintek la imma Kowih iklanna, Anderson i holisso apisa ya Nan aiatokoli yat himak ma aiiba fokat yammako ahikia chi ka ilappak atukma aiahlpisashke, Mikma Kaunti yamma anukaka fot ikania ahashwa hatokmat yammako fot aiima kani hiya chi hoke. Mikma anumpa ilappat ahlpesat hlopulli ka aiahlit ia kat aiahlit holitto;at ittoyolashke.

WESLEY ANDERSON,

Anompa Bobli.

Aiokpachi, Nofimba, 2, 1882.

J. F. McCURTAIN, Chahta Okla, I Miko Chito.

BILL NO. 26.

Himak nan apisa ittanaha Cheto yat tishi'a he at Nitak pit apisa, yakohmashki, achi.

Chahta okla i nan apisa ittanaha chito ittafamat chiya ka yakohmashke. Himak nan apisa ittanaha cheto chiya tok at Nov nitak 4. 1882, Saturday onnahinli hashi kanalli 10 hokma tishila chi hosh nitak pit apisa na Aktoba 30, 1882, a yakohmashke, achi a aiokpachi tok a ilappak atokma aiakshoshki. Mikma himak a Saturday, Nov. 4, 1882, tabokoli ont ia hashi kanalli 5 kako tishila chi ka ilappak atokma aiahlta hashki Mikma yakohmashke achi at hlopulli ka aiahlit ia kat aiahlit holittopat ittoyolashki.

JERRY FOLSOM,

Anompa Bobli.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto.

BILL NO. 27.

Martha Elizabeth Quinton micha imalla ahliha aiina kat Chahta okla ha aiibai achaffa yat imaiahlpiisa ka nan ohlpisa hat imapisa.

Сек. 1. Chahta okla i nan apisa ittanaha chito ittafamat chiya ka yakohmit ohlpesashke. Mrs. Martha Elizabeth Quinton Wade Kaunti, Anukaka Chahta i yakni aiahanta micha imalla ahliha yakomi, Jefferson D. Young, Rocksey Elizabeth James Nimrod, Joel Matilda Isabel Samuel Levi, Charley Henry Quinton; Ishtaiopi hohchifo hannali kato, himonasi i hattak asha Samuel Quinton ako imalla ahliha hokma.

Mikma ammona hohc ifo takali Jefferson D. Young ilappato i nattah tikba Ben Young illi tok ako imalla yo, ilappa moma kat Chahta issish o isht aiiya yosh Chahta okla ha nana immi, imaiahl-piisa ka moma ka aiittilani mak osh ilappak atukma aiottahanishki.

SEK. 2. Himakma yakohmlt ehlpisashki, Nan ehlpesa ilappat hlopulli ka aiahlit ia hayat aiahlit Kallot ittoyula mak oke.

Chim a holitoblich.

STEPHEN WATKINS,

Pitishan i Kamitti Pihlich.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto.

BILL NO. 28.

Himak afammi minti Ka hollisso pesa ahliha hosh nanih cha chi mak yakohmashki achi at nan isht apisat i bohli.

SEK. 1. Chahta okla i nan apisa ittanaha cheto itafamat chiiya ka yakohmashke, Nan isht ehlpisa yakomi hosh hollisso apisa imis-kali ak-chat ilappak atokma isht ahltahashki, yakomi:

New Hope Alla tik hollisso apisa ya	- - - -	\$ 5,000
Spencer Academy ya	- - - -	6,000
Ahtakla hollisso apisa ya	- - - -	3,000
Stits anukaka hollisso apisa maya ka	- - - -	6,575
Chokka lokoli hollisso apisa (\$5,000 Uhltih aiyuka)	-	15,000
Supaintinent at nan isht imakania, isht ilapilachi Tali		
hollisso	- - - -	600

Mikma yakohmashki achi ilappat hlopulli ka aiahlit ia kat aiahlit kallot ittoyolashke.

ALFRED WRIGHT.

Anompa Bohli.

Hollisso apisa i Kamitti Pihlich.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto,

BILL NO 29.

Washington a ia chi ka Delegate toklo ka Atokola he at im aiahl-piisa ka yakohmashki achi.

Chahta okla i nan apisa ittanaha cheto itta famat chiiya ka yakohmashki, Senit at ahlpisa ahnit imayukpachi ho himak a Congress

at ittafamat ašā chī mihinti ilappa Delegates osh Washington a ont ahash wa chī k̄a Nishan aiachaffa hattak toklo k̄a Miko Cheto yat atokola hi at ilappak atok mā im aiahpiisashke. Yohmi hosh nan isht albachi yakomi hō iishi hosh Nishan a vhtobot hiilit isht ilai ottanih̄inchi kat, Ream Micha Hailey ittatoklo tobaksi aiimma anumpa ittonla, Atlantic micha Pacific Talli hina Kampini yat hina ikbit hashi akucha ka ishit mintit hashi aiokattola mahayat, Chahta micha Chikasha i yakni aiina pit hlopulla chī k̄a Nana kat ayohma he aiahpiisa anumpa isht aiatokko anumpa kia ahoyat pesa chī, Chahta iba hohltina aiimma anumpa isht itta chowa n̄a ponaklo, micha n̄a ponaklo inl̄a ašā Chahta okla h̄a nana hosh isht imachukma he pit ahalaya hokm̄a, yamma moma k̄a Chahta okla hako ahikiat isht ilimottani h̄in chashke.

Yamma atoksalit ahashwa kat tali holisso \$1,000 bika k̄a isha he at imaiahlpisashke, Mikma yakohmashki achi ilappat hlopulli k̄a aiahlit ia hayat himak a aiahlit kallot ittoyolashke.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto.

BILL NO. 30.

SEK. 1. Chahta okla i nan apisa ittanaha chito ittafamat chiiya k̄a yakohmashke.

Holisso apisa i Tali holisso nana hosh nan isht ikahlpiso kisha yat tali holisso aiittola ya ittonla hokma, Tali holisso tahlipa tahlapit ako chit Rev. O. P. Stark, Supt, of Spencer Academy, yat nana k̄a yakohmik makō ahlpisa kat i shahli ahni hosh nan isht ilapila chl iskalli makō ibbak foket ilappak atokm̄a nan isht apisat akuchi mak oke.

(Yohmi hak̄inli kia) O. P. Stark ahanchi ilappak okat tali holisso hohltina ilappak atuk a mom̄a hokm̄a, keyukmat pih kaniohmi fokka hosh nan isht ahltoaba he vhlpisa k̄a akostinin chashke. Yohmikmat Okla mom̄a i holisso apisa I Supaintentent Edmund McCurtain a nan annoa alota k̄a i bohlashke.

(Mikma Atjta) yat hohltina yammak atok a Tali holisso isht ho-yo ya ikbit imashke. Mikma yammak atukma, Tali holisso sholi yat atobbashke, Mikma yakohmashke, achi ilappat hlopulli, k̄a aiahlit ia hayat aiahlit kallot ittoyolashke.

ALFRED WRIGHT.

Holisso apisa i Kamitti Pihlich.

Aiokpachi, Nofimba 3, 1882.

J. F. McCURTAIN, P. C. C. N.

BILL NO. 31.

Yamohmishke, Chahta ilaiittilaiu micha illittibapishi, San's Bois County Minti nan apisa aboha akni, hosh, Nan apisa aiachaffa Mc-Kee King atukmat illi anqohowa na, nana haklo nuk haklo atampa ka i hakloshke. Micha yamohmishke, hattak achaffa ilappak okat afammi laiawa ka a pittitakla hekeat Nana pimmi aiahpiisa ya afohowa yatok, i yakni i hullo kat achunnache, micha imok la tallaya kat nana isht imaiachukma he moma I shahli aiimma kako aiahnit isht anomphonli atok, yakkohmi ka, yammak atokma, isht it haianat ishit holitobli chi yatokma ili falammicha he ak osh ont aiahpiisashke, Micha yakohmishke. Afammi pokoli tahlapi atampa kosh inji ho I yakni, tallaya kat nana isht imachukma chi, i yakni tallaya kat nana isht imak akaniohmi putta ka I nitak poyutta, micha nana ka aionachih aiahli kat yammako akaianchit toksali aiahli ka toksali kat, toksali onnachit toksahonli atok osh I chukka achaffa yash aiimakania, Mat Nishan ma imi Kania ho fihna hakinlishke. Yamohmi hoka Chahta Okla I Nan apisa ittanaha cheto ittafamat chiiya ka yakohmashke. Illi tok I chukka achaffa yat nokhaklot hiili ka pishno kia, nan ishit nokhaklo yatokma ili bafoyok ashke.

SEK. 2. Himakma yakohmashki, Nan apisa ittanaha Cheto aboha toklo, nitak moma nan isht aiasha holisso hatokma, yakohmashke achi, ilappat afoyukashke. Yohmik ma holissochi cheto yat ilappa aholbat toba ahli ya illi tok i chukka achaffa ya pit i pilashki. Micha yammat tali isht i chowa chika Intian Chanil ma pit i pila hakinlashke.

SEK. 3. Himakma yakohmashke, Yammat illi tok a isht ithai-anat holetobli chi kat aboha toklo kat tis ili tok osh himak nitak okyoka hashi Kanalli I hokmako ittafamashke.

CHARLES WINSTON, Pibichi,
JEFFERSON GARDNER.
SAMPSON HOLSON.
ALFRED WRIGHT,
OSBORNE FISHER,
Micha SIMPSON GARVIN.

Aiokpachi, Nofimba 3, 1882.

J. F. McCURTAIN, P. C. C. N.

BILL NO. 32.

Nan apisa ittanaha cheto hash chiiya ma.

Holisso apisa i Kamitti chi hiili tok ma, Pus'mataha Uhltih I Cholaste Daniel Miller yat itikba yatokma hikia cna, Nan annoa ikba he at nitak at pit imahlpesa tok osh nan annoa ikba he ahnit nan isht amiha achokma, micha chlpesa ka ilimi hisashke, Yohmi hatoko yakohmashke ache itiyakaya ilappak q hlopulli chi hokbano ahnit nan annoa chi bohlishke.

SEK. 1. Chahta okla i Nan apisa ittanaha cheto ittafamat chiiya ka yakohmashke, Daniel Miller Pushmataha Uhltih ha im Uhltih Cholastis tok at Aktoba himak pila bako nan annowa ikba he a imissashki, micha yammak fokkak mango Cholastis osh April 1, 1882, heket Aktoba, 1883, ont aiahli ka iskalli nana hosh ibbak fohoka tok at muma nan annowa alota achukma ka bohlashke. Mikma yakoh mashke, achi ilappat hlopulli ka aiahlit ia hayat aiahlit holittopat ittoyulashke.

ALFRED WRIGHT,

Holisso apisa i Kamitti Pibliche.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto.

BILL NO. 33.

CHAHTA TAMAHA, C. N., November 3, 1882.

Nan apisa ittanaha cheto hosh chiiya ma

Pitishan i Kamitti hachi hiili tok ma Thompson Nowahaya Issobobinili I Kapitani yat, himak nan apisa ashq aiti taiakla ka, ilapo micha i tashka aiina kat nana isht imakania tok at nitak achaffakma \$2.50 aiina ho nan isht ilapila cha he a ahnit nan asihlha anompa bohli tok a yammak atok at pibbak foka tok osh yammak atukma achukmalit afanalichit ipihisa kat yakohmashke ache itiya kaya kako hlopulli chi hokbano ahnit nan annoa chi ohlishke.

Yohmi cha Pitishan i Kamitti ahi ho chi Kamitti hiili tok at himak ma nana isht ika hashwo ka chi kat ont ilakocha hokbano ahnit ont achakaya ma chim asihlhashke.

SEK. 1. Chahta okla i nan apisa ittanaha cbeto ittafamat chiiya ka yakohmas' ke. Himak nan apisa ittanaha cheto chiiya ka Issobobinili ahliha hat iba takla ahshwa tok at nitak achaffakma \$2,

hosh imahl pesashke, "Yohmi hakinli kia" nitak hohltina kaniobmi aiokali hō ibatakla ahāshwa tok i tokoa kako hohltina yammak atukma imissashke, Mikma yammak atukma aiyakayat Miko Cheto yat Satifikit a ikbit ima chi kat ilappak atokma aijm ahlpisashke, Mikma "Atita" yat Wallent a ikbit imakma, Tali holisso sholi yat yammak atukma atobbashke. Mikma yakohmashki, achi ilappat hlopulli ka aiahlit ia hay at aiahlit holittopat ittoyulashke.

STEPHEN WATKINS,

Pitishan i Kamitti Pihlich.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto.

BILL NO. 34.

John Frekney yat imahltoaba chi hō nan isht apisat i bohle, yakohmashke achi.

SEK. 1. Chahta okla i nan apisa ittanaha cheto ittafamat chiiya ka yakohmashke, John Freney yat nan aiapesa aboha iti patahlo ya achifat kashofi tok, micha Aktoba, 1881, hikit Aktoba, 1882, ont aiahli ka nan aiapesa aboha, apisa chi tok a Tali holisso nana hosh, nan isht ikahpeso kisha yat tali holisso aiasha ya ittonla hokmat akochat tali holisso pokoli tahlapi kat isht imahltoaba chi hō ilappak atokma nan isht ahlpesashke. Mikma "Atita" yat hohltina ya nmak atuk a "Wallent" isht ai imakma, yammak atokma Tali holisso Sholi yat atobbashke. Mikma yakohmashke, achi ilappat hlopulli ka aiahlit ia kat aiahlit kallot ittoyolashke.

JAMES THOMPSON,

Anompa Bohle.

Aiokpachi Nofimba 3, 1882.

J. F. McCURTAIN, P. C. C. N.

BILL NO. 35.

CHAHTA TAMAHA, Nov. 3, 1882.

Nan apesa ittanaha cheto hash chiiya ma.

Holisso apisa i Kamitti chi hiili tok ma Allen Wright Okla mo-
ma i holisso apisa i Supaintintint osh holisso apisa imafammi ol-
balash hekiy atok at nan annoa bohli na pibbak foka tok at \$1,-

982.11 hosh nan isht ikahltoho atam pat ibbak fokā mōma tok osh Edmund McCurtain ahltohat ahltoha hekia kako ibbak fokki tok a chim anoli hki yohmi cha himak afammi ont ia ilappa nan ohpessa yat imissa kat iksho kia \$387.50 hō E. N Wright a isht apilachi hosh Allen Wright at Akuchit isht atobbi tok a ha chi kamitti yat ahayuchishke. Yohmi hatok osh, yakohmashki achi it iyakaya ilappak osh hlopulli hok bano ahnishke.

SEK. 1. Chahta okla i nan apisa ittanaha cheto ittafamat chiiya ka yakohmashke, \$387.50 paknaka takkali ka nan ohpessa nana chim issa kat iksho kia kanchi tok anompa paknaka tak kali ka Tali holisso sholi yakō ishi matobbi hō keyu hokano afammi nan isht annoa ish bohli tok a Nan apisa oklat aiokpacha hekeyushke, achit Miko Cheto yat Allen Wright a haklochashke. Mikma yakohmashke, achi ilappat hlopulli ka aiahli ia hayat aiahli holittopashke.

ALFRED WRIGHT,

Holisso apisa i Kamitti Pihlich.

Aiokpachi, Nofimba 3, 1882.

J. F. McCURTAIN, Chahta Okla i Miko Cheto.

BILL NO. 36.

Willis Maablee micha Sam Ward at isht im ohltoba chi hō yakohmashke achi.

SEK. 1 Chahta okla i nan apisa ittanaha Cheto ittafamat Chiiya ka yakohmashke.

Tali holisso nana hoh kia, nan isht ikahlpeso Kisha yat Talli holisso aiittola ya ittonla hokmat akuchat \$24, Kat Willis Marblee micha Sam Ward Ossi Kaunti ashwa yosh nitak hannali hō Milishia atoksali ya toksali tok at isht imahl toba chi ka ilappak atukma nan isht ahlpisat ittolashke. Mikma yakohmashke, achi ilappat hlopulli ka aiahli ia hayat aiahli Kallot ittoyolashke.

KANIMABBE,

Anompa Bohli.

Aiokpachi, Nofimba 4, 1882.

J. F. McCURTAIN, Chahta Okla i Miko Cheto.

BILL NO. 37.

CHAHTA TAMAHA, C. N., November 3, 1882.

Nan apisa ittanaha chito hash chiiya ma.

Tali holisso aamma chi Kamitti hiili tok mā John T Standley at Akas 1, 1881, hikit isht ia hosh July 31, 1882, akō ont aiablihchit

afamni yamma aiittintaiakla hashi chak kali hō McAlester ya nana kahpoa ka ahoyat ittahobbi hekia tok osh, nan annoa bohle ma yammak atuk at pibbak foka tok osh, yammak atukma afanali chit ipihisa mat \$9.86 hō ataplīt atobbi tok a, hohltina yammano Tali holisso sholi ak osh imatobba chī, mikma nan annoa bohle tok a aiahli micha aiahlpīisa bano tok a akostininchit nan annoa chī bohlishke.

Benjamin Smallwood tikba nan ittahobbi hekia tok \$4,135.33 hō Nishan a nan isht ikimaiahlo tok a ila kostini chi hakinlishki, yohmi hosh yakohmashke achi itavakaaya ilappako hlopulli chik bano ilahnishke.

SEK. 1. Chahta okla i nan apisa ittanaha cheto itafamat chiya ka yakohmashke, John T. Standley yat McAlester ya nan ai ittahobbi nekeya tok osh nan annoa bohle tok a aiahli micha aiahlpīisa ahnit aiokpachishki.

SEK. 2. Himakma yakohmashke), Okla i Taliholisso sholi i holisso chi yat \$9 86 hosh John T. Standley McAlester nan aiittahobbi yatok at imahlitoba chī ka I Wallent a ikbit ima he at ilappak atukma aiim ahlpisashke; Mikma Tali holisso sholi yat yammak atukma atobbashke.

SEK. 3. Himak ma yakohmashke, Mosholitabe Uhlitih ha, Uhlitih i Laya yat \$4,135.33 ilappat Nishan a himak a i minti tok ilappa atobbi cha chī Kat Benjamin Smallwood micha I Sikiyuliti aiina ka anumpa oaochit ishit mahaya chī ka ilappak atukma aiim ahlpisashke. Mikma yakohmashke, achi ilappat hlopulli ka aiahlit ia hayat aiahlit Kallot ittoyolashke.

SAMPSON HOLSOM

Tali holisso aiimma i Kamitti Pihlichī.

Aiokpachi, Nofimba 4, 1882.

J. F. McCURTAIN, Chahta Okla i Miko Cheto.

BILL NO. 38.

CHAHTA TAMAHA, C. N., Nov. 3, 1882.

Nan apisa okla hash chiya ma:

Tali holisso aiimma i Kamitti chī hiili tok ma Basil L. Leflore Okla i Talli holisso sholi I holisso chi micha Coleman Nelson Tali holisso sholi ittatoklo kat Tali holisso imafammi aiishtia ammona kat Akas 1, 1881, heket ia hosh July 31, 1882, ont aiahli ka nan

isht annoa kahpoli tok a, yammak atokmat pibbak foka tok osh, yammak atukma achuk malit asihlhit pin taiyaha ma mihmak atukmat aiahlpesa bika tok o akostinin chet nan annoa chi bohlishke, yohmi hosh yakohmashke achi itachakaya ilappako hlopulli hokbano ahnishke.

SEK. 1. Chahta okla i nan apisa ittanaha cheto itta famat chiiya ka yakohmashke, Basil L. Lafore Tali holisso sholi I holisso chi, mikmat Coleman Nelson okla I Tali holisso sholi, ittatoklo kat Tali holisso imafammi yat Akas 1 1881, hikit minti hosh July 31, 1882, ant aiahli nan isht annoa kahpoli tok a aiahli micha aiahlpisa ahnit aiokpachishke, mikma yakohmashke, achi ilappat hlopulli ka aiahli ia hayat aiahli Kallot ittoyolashke.

SAMPSON HOLSON,

Tali holisso aiimma i Kamitti Pihlich.

Aiokpachi, Nofimba 4, 1882.

J. F. McCURTAIN, Chchta okla i Miko Cheto.

BILL NO. 39.

John Freeney yat imahltoeba chi ho iskalli ya nan isht apisa, yakohmashki achi.

SEK. 1. Chahta okla i nan apisa ittanaha cheto ittafamat chiiya ka yakohmashke, Nan aiapisa aboha itikba apashia iti patahpo ya John Freeney yat aiiska tok at \$4.45 hosh imahltoeba chi ka ilappak atukma nan isht ahlpesat ittolashke, "Atita" yat hohltina yammak atuka Wallint ikbit ima chi kat ilappak atukma ai ima ahlpisashke, Mikma Tali holisso sholi yat mihmak atukma iakayat atobbashke, Mikma yakohmashki achi ilappat hlopulli hayato, aiahli kallot ittoyola mak oke.

SAMPSON HOLSON,

Tali holisso aiimma i Kamitti Pihlich.

Aiokpachi, Nofimba 4, 1882.

J. F. McCURTAIN, Chahta okla i Miko Cheto.

BILL NO. 40.

Himak nan apisa asha na nan chlpesa toba tok a hobachit ikbi tok at imahltoeba chi atahli, yakohmashki ache.

SEK. 1. Chahta okla i nan apisa ittanaha cheto ittafamat chiiya

kā yakohmashke, Miko cheto yatayohma he at ilappak atukma ai imahlpīisa cha, himak nan apisa ashā kā nan ahlpisa, Micha Resolution moyoma ahlpisat hlopohonli tok a moma kat holbat toba nā Chanal holisso aiikbi akō Tali ai isht ichowā chī hō Intian Chanal holisso ilibi yā ibbak fok kasiki. Mikma kana hosh nan ehlpisa yamma hobachit ikbi tok okmat, Tali holisso nana hosh nan isht ikahlpisa keshā yat okla i Tali holisso aiasha yā ittonla hokmat akochat tali holisso \$15, kat isht im ehltoba chī kā ilappak atukma nan isht ahlpesashki. Mikma Miko Cheto ak osh apisa hō Tali holisso sholi Iholissochi yat Wallint a ikbit imakma, yammak atukma Tali holisso sholi yat atobhashke Mikma yakohmashke achi ilappat hlopulli kā aiahlit ia kat aiahlit kallot itloyolashke.

SAMPSON HOLSON,

Anompa Bohli.

Aiokpachi, Nofimba 4, 1882.

J. F. McCURTAIN, Chahta okla i Miko Cheto.

BILL NO. 41.

Robert Love micha Robert Jones ittatoklo anompat onottola tok a Judge Parker yar kochawihla chī kā imapesa, yakohmashki achi. Chahta okla i nan apisa ittanaha cheto ittafamat chiya kā yakohmashke, Arkansas Uhlih I hashi aiokattola U. S. Koat I Judge Parker yat Robert Love, Micha Robert Jones ittatoklo kat Dr. S. W. Bailey abittok achi anumpa onottola kia, yammak Chahta aia-chaffa bano yattokō nana aiimapesa he ehlpisa keyu hatok o, yammak atukma Kochawihla he a ilappak atukma aiimapesashke, yakohmashke achi ilappā aholbat toba ehli kā Miko Cheto yat Judge Parker yā iniatahla he at imahlpisashke, yohmi chō ansmpa afalama yā imahoyo tok osh Nan apisa himak pila ashakmā nan annoa hā i bohlashke. Mikma yakohmashke, achi ilappat hlopulli kā aiahlit ia hayat aiahlit kallot ittoyolashke.

ELLIS CHOAT,

Anompa Bohle.

Aiokpachi, Nofimba 4, 1882.

J. F. McCURTAIN, Chahta okla i Miko Cheto.

BILL NO. 42.

Allen Wright micha J. S. Standley ittatoklo kat Talikit osh Washington ont ashwa tok a isht imahltoha chi ka nan isht apisat i bohle, yakohmashke, ache.

SEK. 1. Chahta okla i nan apisa ittanaha cheto ittafamat chiiya ka yakohmashke, Gov. McCurtain at yohma chi ka imapisa tok mako Allen Wright micha J. S. Standley yat aleket osh Washington a hash tola yash micha toffahpi aiina ka ont ahashwat toksali tok at \$1,720 kat imahltoha chi ho ilappak atokma nan isht ahlpesat ittolashke. Nitak achaffak ma \$5, ia bika ho, Allen Wright at toksali tok at nitak 158 kaka ahltoha ya ishik ma, J. S. Standley yato 186 ho ahltoha ishashke. "Atita" yat Miko Cheto ya ittiba nokfillit pesa hayat, ahika kaniohmi hosh nan isht akania kat imasha toko Wright micha Standley ahanchi ka ahika onochik mat Kaniohmi hosh, nan isht ahlpesat ittola tok a akochat aiima minti moma hokma i Wallent atokma yammako aiyakayachi hosh ikhit ima he at ilappak atokma aiim ohlpesashke. Mikma yakohmashki achi ilappat hlopulli ka aiahlit ia hayat aiahlit kallot ittoyola mak oke.

ELLIS CHOAT,
Anompa Bohle.

Aiokpachi, Nofimba 4, 1882.

J. F. McCURTAIN, Chahta okla i Miko Cheto.

BILL NO. 43

Tali holisso imafammi Akas 1, 1882, heket minti hosh Cholai 31, 1883, ont taha aiahlika.

Chahta Kafinment at nana isht aimahltoba chi ho nana isht ima kaniheya chi hosh, nan isht apisat bohle, yakohmashke ache.

SEK. 1. Chahta okla i nan apisa ittanaha cheto ittafamat chiiya ka yakohmashke, Tali holisso hohltina yakomi hosh, tali holisso nana hosh nan isht ikahlpisa yaitonla hokma akuchit, hemak tali holisso imafammi ilappa, Chahta i Kafinment nan isht imak ania poyutta ka isht ahltoha chi kat ilappak atokma nan isht ahlpesat ittolashke, yakohmi :